



KENYATAAN MEDIA

TIMBALAN PERDANA MENTERI DAN MENTERI PERALIHAN TENAGA DAN TRANSFORMASI AIR

Saya merakamkan rasa dukacita dan simpati atas kejadian runtuh dan kebakaran kren di Loji Janakuasa Malakoff, Jalan Tanjung Bin, Kukup, Pontian hari ini, yang telah mengorbankan dua nyawa pekerja tempatan serta menyebabkan seorang lagi cedera.

Salam Takziah diucapkan kepada keluarga Allahyarham Muhammad Alfarid Ahmad dan Muhammad Amaluddin Hisamudin. Semoga keluarga mangsa diberikan kekuatan dan ketabahan dalam menghadapi dugaan yang amat berat ini. Saya juga mendoakan agar mangsa yang cedera diberikan kesembuhan sepenuhnya.

Kementerian memandang serius kejadian ini dan menyeru agar siasatan rapi, telus dan menyeluruh dijalankan oleh pihak berkuasa berkaitan khususnya Jabatan Keselamatan dan Kesihatan Pekerjaan (DOSH / JKKP) dan Polis Diraja Malaysia (PDRM) dengan kerjasama Suruhanjaya Tenaga serta agensi teknikal yang terlibat bagi mengenal pasti punca sebenar kejadian. Sebarang unsur kecuaian, kegagalan pematuhan prosedur operasi standard (SOP) atau kelemahan aspek keselamatan tidak boleh dikompromi dan mesti diambil tindakan sewajarnya.

Saya turut mengarahkan supaya pihak pengurusan loji dan kontraktor terlibat memberikan kerjasama penuh kepada siasatan serta memastikan semua SOP keselamatan, penyelenggaraan peralatan dan pengurusan risiko dipatuhi sepenuhnya bagi mengelakkan tragedi seumpama ini daripada berulang.

Keselamatan dan kebajikan pekerja dalam sektor tenaga adalah keutamaan kementerian. Setiap nyawa adalah amat berharga.

Kementerian akan terus memantau perkembangan kes ini dan tidak akan teragak-agak untuk mengambil tindakan lanjut sekiranya diperlukan demi memastikan tahap keselamatan industri tenaga negara sentiasa berada pada tahap tertinggi.

DATUK AMAR HAJI FADILLAH BIN HAJI YUSOF

13 Disember 2025